



Broj: 08-02-06/1-02-1-2292-16 /24.

Dana: 05. 12. 2024. godine

011
11224

Primljeno:	10-12-2024		
Org. jed.	Kl. ozna.	Red. broj	Br. priloga
01			

SVIM GRADOVIMA/ OPĆINAMA NA PODRUČJU ZENIČKO-DOBOJSKOG KANTONA
n/r Gradonačelnika/Općinskih načelnika

PREDMET: Obavijest, dostavlja se,-

Zaključkom broj: 01-02-19641/24 od 27. 11. 2024. godine Skupština Zeničko-dobojskog kantona na 33. sjednici održanoj dana 27. 11. 2024. godine prihvatila je Nacrt Zakona o oružju i municiji.

Navedenim zaključkom utvrđeno je da se Nacrt Zakona upućuje u javnu raspravu, da je rok za provođenje javne rasprave 45 dana i da su organizatori rasprave općinski načelnici, odnosno gradonačelnici i Ministarstvo unutrašnjih poslova Zeničko-dobojskog kantona.

Nacrt Zakona o oružju i municiji nalazi na web site: www.zdk.ba i www.mupzdk.gov.ba., dostupan je u Stručnoj službi Skupštine kantona i u Ministarstvu unutrašnjih poslova Zeničko-dobojskog kantona, radi proučavanja njegovih odredbi i priprema za održavanje posebnih sastanaka-javne rasprave u svih dvanaest gradova/općina sa predstavnicima Ministarstva unutrašnjih poslova koje je pripremila pomenuti Nacrt Zakona.

O datumu, vremenu i mjestu održavanja javne rasprave organizatori trebaju na pogodan način obavijestiti javnost, kao i o mjestu gdje je moguće izvršiti uvid u Nacrt Zakona.

Predlažemo da se javne rasprave po općinama, odnosno gradovima održe u vremenu od 13. 12. 2024. do 24. 12. 2024. godine po Planu koji vam u prilogu dostavljamo.

S tim u vezi, molimo da odredite osobu koja će ispred grada/općine komunicirati sa predstavnikom Ministarstva unutrašnjih poslova, kao i osobu koja će voditi zapisnik na sastanku – javnoj raspravi.

Kontakt osobe ispred Ministarstva unutrašnjih poslova su Duraković Miralem, šef Odsjeka za pravne i logističke poslove Uprava policije, kontakt broj: 032/449-249 lokal 482 i Begić Lejla, Stručni savjetnik za pravna pitanja i upravno rješavanje Uprava policije, lokal 127, koji će ujedno i provoditi javnu raspravu.

S poštovanjem!

PRILOG: Kopija Plana javne rasprave.

DOSTAVLJENO:

1. Naslov x 12,
2. a/a x 1.



011
11224

MINISTAR
Emir Vračo
Emir Vračo



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A

Broj: 08-02-06/1- 02-1-2292-16 /24.

Dana: 05. 7. 2023. godine

Postupajući po Zaključku Skupštine Zeničko-dobojskog kantona broj: 01-02-19641/24 od 27. 11. 2024. godine, a koji se odnosi na obavljanje javne rasprave o usvojenom Nacrtu Zakona o oružju i municiji, Ministarstvo unutrašnjih poslova Zeničko-dobojskog kantona donosi:

*PLAN JAVNE RASPRAVE
o Nacrtu Zakona o oružju i municiji*

I

Ministarstvo unutrašnjih poslova je u skladu sa Programom rada Vlade i Skupštine Zeničko-dobojskog kantona za 2024. godinu pripremio Nacrt Zakona o oružju i municiji.

Vlada i Skupština Zeničko-dobojskog kantona su podržale predloženi tekst Nacrta Zakona i nakon održane sjednice u cilju poboljšanja teksta Nacrta Zakona o oružju i municiji i eventualnih sugestija i prijedloga predložile provođenje javne rasprave svih zainteresovanih subjekata.

Ovo Ministarstvo pristupilo je donošenju novog Zakona radi usklađivanja sa pravnom stečevinom Evropske unije u skladu sa Sporazumom o stabilizaciji i pridruživanju između Evropskih zajednica i njihovih država članica i Bosne i Hercegovine, u kom smislu je navedeni zakon potrebno uskladiti sa Direktivom Vijeća Europe 91/477/EEZ od 18.06.1991. godine o kontroli nabavke i držanja oružja (SL L 256, 03.09.1991.), te Direktivama 2008/51/EZ od 21.05.2008. godine (SL L 179, od 08.07.2008.) i 2017/853 od 17.05.2017. godine (SL L 137, 24.05.2017.) Evropskog parlamenta i Vijeća, kojom se mijenja i dopunjuje Direktiva vijeća 91/477/EEZ o kontroli nabavke i držanja oružja (SL L 179, od 08.07.2008.) i Direktive Evropskog parlamenta i Vijeća Evropske unije broj: 2021/555 o nadzoru nabavke i posjedovanja oružja (SL L 115 od 24.03.2021. godine) (u daljem tekstu: Direktiva). Pri izradi Nacrta zakona Ministarstvo se rukovalo i preporukama iz Izvještaja Radne grupe za harmonizaciju propisa o oružju i municiji međusobno i sa pravnom stečevinom Evropske unije, usvojenog od strane Vijeća ministara Bosne i Hercegovine, a u cilju postizanja međusobne usklađenosti propisa o oružju i municiji na teritoriji Bosne i Hercegovine i usklađenosti sa propisima EU. Takođe, usklađivanje ovog Zakona sa pravnom stečevinom EU u oblasti civilnog posjedovanja oružja, vršeno je većim dijelom po uzoru na Zakon o oružju i municiji Unsko-sanskog kantona („Službeni glasnik Unsko-sanskog kantona“ broj: 7/21) koji je uglavnom u skladu sa *acquisem* EU, što je bila preporuka Direkcije za evropske integracije. Pored obaveznog usklađivanja sa pravnom stečevinom EU, u jednom dijelu odredbi Nacrta zakona, u odnosu na trenutno važeći zakon, detaljnije su normirane postojeće odredbe u pogledu načina izdavanja odobrenja za nabavku oružja i obavljanje djelatnosti trgovine, popravljanja i prepravljanja oružja kao i vođenja civilnih strelišta, te izvršene izvjesne dopune u pogledu uslova za nabavku oružja za fizička lica i obuke za rukovanje oružjem, radi efikasnijeg ostvarivanja cilja i svrhe zakona u pogledu javne sigurnosti, s obzirom na uočene manjkavosti u njegovoj dosadašnjoj primjeni.

Cilj javne rasprave je da se o predloženim rješenjima upoznaju predstavnici svih zainteresovanih subjekata sa područja općina/gradova, odnosno kantona, uključujući lovačka

udruženja, streljačke organizacije, firme koje se bave prometom oružja i municije, udruženja i dr. uz sudjelovanje predstavnika javnog informisanja kako bi se građani odnosno šira javnost upoznali sa odredbama Nacrta Zakona i eventualno poboljšali tekst Zakona o oružju i municiji.

Od javne rasprave se očekuje doprinos svih zainteresovanih u poboljšanju teksta Nacrta Zakona koji će Vlada Zeničko-dobojskog kantona kao predlagač dostaviti Skupštini Kantona u vidu Prijedloga Zakona na razmatranje odnosno usvajanje.

II

Javna rasprava obaviti će se na sastancima u sjedištu općina/gradova na području Zeničko-dobojskog kantona koji se održavaju u sljedećim terminima:

1. Općina Olovo	13. 12. 2024. godine u 10:30 sati,
2. Općina Vareš	16. 12. 2024. godine u 10:30 sati,
3. Općina Breza	16. 12. 2024. godine u 12:00 sati,
4. Općina Kakanj	17. 12. 2024. godine u 10:00 sati
5. Grad Visoko	17. 12. 2024. godine u 12:00 sati,
6. Općina Usora	18. 12. 2024. godine u 10:30 sati,
7. Općina Žepče	19. 12. 2024. godine u 10:00 sati,
8. Grad Zavidovići	19. 12. 2024. godine u 12:00 sati,
9. Grad Zenica	20. 12. 2024. godine u 11:00 sati,
10. Općina Tešanj	23. 12. 2024. godine u 11:00 sati
11. Općina Maglaj	24. 12. 2024. godine u 10:30 sati.
12. Općina Doboju Jug	24. 12. 2024. godine u 12:30 sati,

Sastanke u gradovima/općinama prema gore predloženom rasporedu blagovremeno će zakazati službe gradonačelnika/načelnika gradova/općina i sekretari gradskih/općinskih vijeća koji će osigurati prostore koji omogućuju prijem dovoljnog broja osoba za održavanje javne rasprave, kao i osigurati prisustvo subjekata iz stava I ovog plana kao i odrediti lice – zapisničara zaduženog za dostavu sumiranih rezultata sa javne rasprave Ministarstvu unutrašnjih poslova Zeničko-dobojskog kantona kao obrađivaču tekstova Zakona.

Na svim navedenim sastancima Ministarstvo unutrašnjih poslova Zeničko-dobojskog kantona će osigurati prisustvo svojih predstavnika radi vođenja javne rasprave a sve sa ciljem lakšeg sumiranja javne rasprave o Nacrtu Zakona o oružju i municiji u svih dvanaest gradova/općina Kantona.

III

Za izvršenje ovog Plana odgovorno je Ministarstvo unutrašnjih poslova Zeničko-dobojskog kantona.

IV

Ministarstvo unutrašnjih poslova je na svojoj službenoj web stranici dana 05.12.2024.godine objavilo tekst Nacrta Zakona o oružju i municiji.

MINISTAR


Emir Vračo